

因緣除蓋障菩薩白佛言世尊爲成熟衆生及新學者菩薩遮斷結使故說此事善男子

威德力菩薩爲化衆生現受糞掃衣非志卑

陋以是義故菩薩受糞掃衣

善男子菩薩復有十法名受取三衣何等爲十少欲知足不多貪求不多積聚無積聚故

離諸過患無失壞故離諸憂惱離憂惱故離

衆苦聚集離衆苦聚集故無有愛欲無愛欲

故能盡諸漏少欲菩薩趣得爲足知足之人少得而足以少欲故無所多求離所求故無

多積聚離積聚故無惱失苦無惱失苦故無

有憂愁無有憂愁故無有苦惱無有苦惱故

無有受用無有受用故便得漏盡善男子具

此十事是名菩薩受持三衣

十五

寶雲經卷第五

木五

怙恃下乃尸鷦計救反鼻愚駛下五階憤闊外公
下乃反籌量上直由譏嫌上居依反下戶反練

旃衣不爲人知故名爲旃衣不爲名聞利養故名爲旃衣不使魔得自在故名爲旃衣心不高下故名爲旃衣善男子具此十事是名菩薩旃衣

善男子菩薩復有十法名爲乞食何等爲十
爲益衆生令得福故是以乞食次第乞食好

若阿耶殿反此云寂靜處酤賣酒曰一昔蠻玉音
音下掃蘇到

寶雲經卷第六

木六

梁扶南三藏曼陀羅仙共僧伽婆羅譯

善男子復有十法名菩薩具旃衣何等爲十不隨染欲名爲旃衣不隨瞋故名爲旃衣不隨癡故名爲旃衣不隨惱害故名爲旃衣不隨貪嫉故名爲旃衣不隨憍慢吾我故名爲

一

旃衣不爲人知故名爲旃衣不爲名聞利養故名爲旃衣不使魔得自在故名爲旃衣心不高下故名爲旃衣善男子具此十事是名菩薩旃衣

惡隨時不生悔恨少欲知足乞食得已與人
共同於食好惡不生增減不生貪著於食知
量趣向於善修習善根離諸取著云何乞食
為益衆生菩薩乞食見諸衆生善根尠少受
乞食法為利益衆生故若城邑聚落到中乞
食繫念不捨威儀具足若顧視時終不輕躁

舉動安詳諸根寂定諦視目前不過一尋於
佛法僧深生信敬然後乞食次第乞食心無
選擇刹利婆羅門富貴之家一向次第食足
便止除惡狗新生犢母先破禁戒墮畜生中
若男若女童男童女諸能擾惱者皆悉不往
可譏嫌處亦皆不往次第乞食不得生著不

食而起染著亦不憍逸貪嗜無厭作如是食
為存此身濟其軀命是故於食趣得安身不
使羸乏亦不令肥何以故若身羸瘦妨廢行
道若食厚重復多睡眼為行道故於食知節
不多不少勤修精進除去懈怠為滿菩提覺
支滿菩提覺支故我見得滅我見滅故能以

身肉施於衆生善男子具此十事是名菩薩
乞食法

善男子菩薩復有十法名為一處坐何等為
十於菩提樹一坐道場降伏魔冤皆悉驚怖
此處不動得出世間慧此處不動得出世間智
此處不動得出世間空三昧此

木六

二

處不動得覺一切法此處不動得八正道此
處不動得於真實此處不動得於如實此處
不動得一切種智座善男子一坐者即是法
座菩薩不動搖故名為一坐善男子具此十

事是名菩薩一坐法

善男子菩薩復有十法名一受食何等為十

二分與窮下乞匁之者第三分與諸鬼神第
四分自供身食我今食者但念修道不應於

不貪食不染著食以言食足一切不受酥油
黑石蜜阿摩勒汁甘蔗汁及諸果汁時非時
都不飲食見他飲食而不生惱常一受食菩
薩設有患苦若為命難善法之難當爾之時
不生疑悔作藥想服善男子具此十事是名
菩薩一受食法

善男子菩薩復有十法名為阿練若處何等
為十父習梵行善解毗尼諸根具足具足多
聞廣博多智除去我見譬如麋鹿不肥不瘦
心常厭惡樂處閑靜阿練若處云何父修梵
行善男子菩薩摩訶薩於佛法中出家學道
三業清淨淨持禁戒善知諸法善知威儀行
止之處來去坐卧盡依法律於如來法中上
中下座教戒威儀能教禪法如此之法已自
體解不從他受知義知出要知坐知出罪避
諸毀犯精勤修戒少有所犯譏訶懺悔隨所
犯處及以不犯悉能了知若犯重事乃至中
下悉能分別受報輕重近遠諸根具足依阿

練若處所依之處不為他惱常樂乞食往返
不近不遠近清淨水不汙不濁多諸林樹無
恐怖處花果具足遠離惡獸多諸龕窟往返
不離寂靜第一菩薩如此處晝誦三遍夜亦
三遍聲不高下善守諸根心不散亂深信歡
喜能憶偈句善取因相除去睡眠王若王等

若諸王子婆羅門刹利及餘人民往至菩薩
阿練若處比丘唱言善來大王可坐此處彼
若坐時菩薩共坐彼若不坐菩薩不坐彼王
根若不定應當讚歎大王善得大利王之國
界多諸持戒沙門婆羅門住王界中不為惡
人盜賊之所惱害王若利根柔和善順堪為
法器當為種種說法若不樂種種說法當為
說五欲無常令知厭惡若不樂厭惡當復為
說諸佛有大慈悲威德自在之所行處刹利
婆羅門邑主長者及以國人隨宜為法如是
多聞堪法器者即便為說種種之法聞已信
受心生悅樂皆令歡喜多聞廣博故無煩惱

起善修對治能除我見故不生怖畏智辯具足故無大衆畏勇猛無難具如是事能得阿練若處安止而住繫心獸惡樂獨靜處猶如野鹿常在山林阿練若比丘不如野鹿恒懷驚怖譬如野鹿見人避走以畏死故菩薩摩訶薩亦復如是於憤闇處一切男女悉皆遠

離何以故令我心亂遠離定故不得獸惡修於功德復樂寂靜我今不應染近憤亂令失定心住阿練若處善男子具此十事是名菩薩阿練若處

善男子菩薩復有十法名樹下止處何等爲十不近聚落依止樹木而住不近於饒棘刺處依止而住不近摩樓陀蘭草之處依止而住不依枯葉處住不依緩猴處住不依鳥巢窟處住不依惡獸處住不依盜賊危難處住菩薩所依止處無諸恐怖令心悅樂善男子具此十事是名菩薩樹下止處

善男子菩薩復有十法名爲露地坐何等爲

木六

四

十春秋冬夏不依牆壁住亦不依樹下住不依莎草積住不依山掩處住不依河岸住不作障寒具不作障風具不作遮雨具不作遮熱具不作障露具菩薩在於露地而身有病形體羸弱應至僧坊便作是念如來爲遮諸結使故說於頭陀我今雖在僧坊當斷除結使我今雖在僧坊中不生貪著心我不爲己身但爲僧坊檀越成諸功德故常作露地想具此十事是名菩薩露地而坐

善男子菩薩復有十法名塲間坐何等爲十隨所住處多獸惡心常修死想噉殘想血塗想青瘀想脛脹想燒煎想解散想骨想塲間坐者常修慈心生利益想憐愍衆生淨持禁戒威儀不闕終不食肉何以故不遠塲間有諸非人及惡鬼神以食肉故心皆獸賤無喜見者常作惱害塲間比丘往至僧坊先禮佛塔却禮上座與諸下座談論語說立住而去不坐僧祇祇禪禪何以故爲護惜僧物故如凡

夫愚人鄙賤塚間設若有人施於床敷請命使坐問言爲是沒已有爲是僧有觀前人意不生悔心然後始坐心生下劣如旃陀羅子善男子見此十事是名菩薩塚間坐法

木六

五

善男子菩薩復有十法名常坐不卧何等爲十不爲苦身故常坐不爲苦心故常坐不爲止睡故常坐不爲疲極故常坐爲滿足菩提故常坐欲使心專一故常坐欲使向正道故常坐欲坐道場爲得菩提故常坐欲利益衆生故常坐爲斷一切結使故常坐善男子具此十事是名菩薩常坐不卧

善男子菩薩復有十法名爲隨敷坐何等爲十不貪著敷故隨敷而坐不自安敷亦不使他敷不作形相使他敷敷若草若枯樹枝葉隨在上坐若有蠍子蚊蚋蠅蚤毒蝎之處即時捨去不住於中若欲卧時右脇而卧足足相疊善敷衣服不令解服若睡眠時常繫心明相作必起意不著睡眠以爲喜樂右脇卧

時若有疲極終不更轉左脇而卧爲調和四大常不離善男子具此十事是名爲菩薩隨敷而坐法

善男子菩薩復有十法名成就禪何等爲十多修不淨觀多修慈心多修十二因緣多修離過患法多修於空多修無相多修習禪多

修不悔恨持戒完具善男子云何多修不淨觀菩薩獨處閑靜默然攝意厭惡現前正身端坐支節完具深心喜悅結跏趺坐作是思惟如人飲食美味好漿及餘鹿澀是諸美味及不美味皆依此身變成不淨膿血臭穢悉皆可惡一切衆生貪嗜美味心恒樂著我今當願依佛正法如實之相觀察此身不可染著亦不厭離速求涅槃是名菩薩多觀不淨云何菩薩多修慈心如上染處端身獨坐寂靜思惟衆生多有瞋恚便生惱害作諸不善若有衆生與我等者云何來世自生怨恨如是衆生我當方便斷其瞋恚作如是念深心

思惟不但口說云何菩薩多修十二因緣衆生多起貪欲瞋恚有如是等皆因緣生假使餘法一切皆從因緣而起云何智者見如是相一剎那頃從因緣法皆悉是空不應爲此而自毀害云何菩薩多修離過患法若自生過尋能除斷見他過患深入捨心云何尋自

木六

六

除患患者於諸佛不生信敬心於法僧所亦不生信敬心於戒不生信敬心於和尚阿闍梨時類宿舊有智者邊上中下座亦不生信敬心自高己身卑下他人於五欲所心樂趣向背捨涅槃我見衆生見壽者見人者見計有虛空起於斷見深著有想起於常見於賢聖所背捨遠離親近凡愚遠離持戒者親近破戒者近惡知識遠離善知識誹謗經法當生不信聞諸深義心生驚畏懈怠懶惰於修法所輕而不爲意志下劣無有言辯應不疑處返生疑惑於可疑處而不生疑爲五蓋所覆幻惑詭僞睡眠所覆貪著利養世間名稱

愛樂種性恃於居業愛著徒衆遠離正法樂俗談話捨離禪思見善不欣聞惡貪樂而心不肯親近出家但念親近年少婦女童男童女不喜阿練若處食不知量不親近有智師友善人不知誦習經行時節亦不知所應行來往返之處於微細戒而作輕心輕於小惡視瞻不端舉動輕躁恒作非法言語麤獷於好惡色心皆貪著好喜瞋恚不修慈心於苦衆生不生憐愍見病苦者亦不厭惡聞死不驚常處熾然不求出要不觀察身不守禁戒不觀己身可作不可作可覺不覺可思不思非道爲道道爲非道未得謂得若少營福便

木六

七

多封著而心錯亂於大功德終不修行誹毀摩訶衍誹謗聲聞誹謗樂大乘者誹謗樂小乘者亦生誹謗譏訶於戒爲戒闡諥爲人剛強言常麤惡而自貢高無懷慚色不知羞獸躁惡麤弊言辭不遜好喜綺語常行惡口多諸妄語調戲無度有如是等過爲離此過患

法離一切調戲修習空定多修空故處處觀察體性悉空能觀空智此亦是空作是觀已繫心無相觀內外法不得身相亦不得繫念相爾時不見繫心於身亦不得身相亦不得外相亦不得念外相去除外相身相亦除除斷內相心樂善法修道增廣次第不斷常念

定慧修功德本正觀諸法如實深義是名爲慧善攝亂意歡喜無悔是名爲定何以故淨持戒故菩薩能淨持戒必成就禪戒具足禪道是故持戒具足名爲修禪善男子具此下事是名菩薩修禪法

善男子菩薩復有十法名持修多羅何等爲

十爲守護法聞則能持不爲財物飲食故持爲紹三寶種佛法不斷不爲利養故持爲使摩訶衍廣流布故持不爲恭敬利養故持無救衆生爲作救護故持不爲名稱讚歎故持爲苦惱衆生使得樂故持爲令衆生得慧眼故持爲求聲聞者令得聲聞道故持爲修摩

訶衍成就摩訶衍故持爲成一切種智故持不爲求下乘故持善男子具此十事是名爲菩薩持修多羅

善男子菩薩復有十法名爲律師何等爲十善解毗尼所起因緣善解毗尼甚深之處善解毗尼微細之事善解毗尼此事得彼事不得善解毗尼性重戒善解毗尼制重戒善解毗尼制起因緣善解聲聞毗尼善解辟支佛毗尼善解菩薩毗尼善男子具此十事是名爲菩薩善持律師

善男子菩薩復有十法名善知威儀善知可行不可行處善知行法善知威儀舉止何等

木六

八

爲十善學聲聞戒善學辟支佛戒以善學故威儀具足威儀具足故不可行處終不往彼不應往方亦不往彼非時不行沙門所行處行不可行處不行是故威儀具足沙門婆羅門所譏訶處亦終不往以是故沙門婆羅門無譏訶者亦能教他修行如是威儀禁戒以

是義故威儀具足寂滅威儀無詭詎威儀善
男子具此十事是名菩薩威儀進止所行具
足善男子菩薩復有十法名除嫉妒何等爲
十自行布施亦教他人行布施讚歎布施法
見他布施心生隨喜爲說法要讚歎彼人令
使歡喜終不生念但施於我莫施於彼願一

切衆生皆得施利所須具足皆得快樂得世
間利樂得出世利樂我今勤爲衆生修無上
道爲欲利益故云何當起嫉妒之心善男子
具此十事是名菩薩能除嫉妒

善男子菩薩復有十法能爲衆生起平等心
何等爲十爲一切衆生作修福因緣令一切
衆生心無嫌恨不使一切衆生起於瞋忿爲
一切衆生故布施持戒忍辱精進禪定智慧
爲一切衆生故發一切種智心爲一切衆生
故自滿一切種智心皆不生二想所作功德
與一切衆生悉皆共之緣一切衆生以爲境
界如是思惟時能速成就菩薩之法速成就

木六

九

菩薩法故能觀生死如火熾然自乘此法能
出生死亦使衆生得濟苦海皆起等心不生
增減善男子譬如長者唯有六子其心愛著
於諸子中悉皆平等爲設方便然諸子等幼
小無智不能行來不識善惡其家火起是諸
小兒各在異處善男子而此長者寧可作心
此子應出彼不應出此子先出彼應後出除
蓋障菩薩白佛言不也世尊何以故是長者
等心於子無差別故善男子菩薩亦復如是
於諸衆生心皆如子愚小無智於生死摩竭
熾然世界是諸子等各處小道菩薩隨應成
熟皆悉拔濟咸令得出置寂滅處善男子具
此十事是名菩薩於一切衆生起平等心

善男子菩薩復有十法名善供養佛何等爲
十以法供養於佛以救拔濟衆生供養於佛
以教化衆生令立諸善供養於佛常與一切
衆生利供養於佛不捨願行供養於佛不捨
菩薩所行供養於佛言行相應供養於佛心

無疲厭供養於佛不捨善提供養於佛不以財施供養於佛何以故善男子如來法身不待財施供養唯以法施供養為上以具足供養利益衆生令得安樂常獲善利善男子若不能利益衆生放捨善法所作疲厭好喜妄語志意下劣心生疲倦離菩提心有如是等不能為諸衆生而作利益何以故菩薩要依衆生修諸功德乃至成阿耨多羅三藐三菩提若無衆生終不能成阿耨多羅三藐三菩提無上正覺為具佛道以法供養為最第一不以財施為真供養善男子具此十事是名菩薩能善供養佛

善男子菩薩復有十法名摧伏憍慢何等為十菩薩或時出家作是思惟父母眷屬已捨出家猶如被棄壞爛死屍云何於中當起憍慢我今剃除鬚髮毀形尚道節身知足著壞色衣改先所好修出家法捨俗威儀云何當起憍慢之心剃頭持鉢而行乞食作乞匱想

不應憍慢當自卑下如旃陀羅子我今乞匱由他濟命云何憍慢而自毀傷是故思惟摧伏憍慢我今受乞食法為他所賤人與食時如似捨棄如是思惟云何憍慢我今於一切衆生恒如意和尚阿闍梨想應加謙敬摧伏憍慢我與諸同學同梵行者善護威儀常念順

行不應到於非律儀處當使諸同梵行者見我歡喜如此思惟時摧伏憍慢我未曾得修行佛法今得修行於瞋恚惱害衆生中當忍辱如是思惟時摧伏憍慢善男子具此十事是名菩薩摧伏憍慢

善男子菩薩復有十法名為信敬何等為十

善根深厚宿殖德本得於正見不隨他信不歸依他志性恒正不為虛妄其心質直無有詭曲利根智慧功德具足除諸陰蓋其心清淨常依善知識遠離惡知識摧伏諸憍慢聞深妙法能善諦受終不顛倒妄解如來甚深法藏威德自在善男子具此十事是名菩薩

能多信敬

爾時除蓋障菩薩白佛言世尊我今於如來大威德所願說少法令我得聞善男子汝今善聽當爲說之如來要法威德少分善哉世尊願爲演說佛言如來大慈等與一切衆生樂若於一切衆生起慈心時乃至十方衆生

木大

土一

亦復如是遍一切衆生界亦滿虛空界無能遍知如來甚深境界邊際如來有大悲心不與聲聞辟支佛共如來於一衆生起於悲心乃至一切衆生亦復如是爲作利益如來大悲無有邊際非諸二乘所能究竟善男子如來說法不可窮盡能於一時普爲十方衆生說法若一劫百千萬億劫無量阿僧祇劫作如是說一切衆生無有能知如來說法邊際本末假使無量衆生一時間難而如來於一本念中各隨其類一音能答然如來辯才無有窮盡如來有無量阿僧祇禪定三昧之所行處善男子假使一切衆生皆得十住各各皆

入無量三昧於百千劫中各入異定如是經無量劫猶不能盡知如來三昧境界如來又作無量阿僧祇應身令一切衆生應受化者悉見如來皆現其前於一念頃一一色相皆生信解各有差別如來又復一時皆現其前隨其所應而爲說法令諸衆生悉皆受行善男子如來天眼所見境界無量無邊非肉眼所見是天眼境界如來於一念中悉皆見之如觀掌中阿摩勒果如來天耳所聞境界無量無邊如上天眼一切衆生異類音聲隨其大小於一念頃悉分別知如來復有無量無邊無礙智慧無與等者不可爲譬一切衆生若心念所知隨其根性種種差別如來於一剎那頃悉分別知隨彼衆生各各所念各各所作隨造善惡所得業報如來能以三達無礙智慧於剎那頃悉分別知善男子如來常在禪定何以故如來終無忘念如來諸根無有錯謬如來斷一切結使其心寂靜若雜結

使其心散亂離清淨法如來已離一切業習
塵垢永盡無漏無爲於法自在一切三昧三
摩提無量境界已度彼岸如來常在三昧常
一威儀乃至涅槃如來於無量百千億劫修
習所得無有衆生能思惟分別知其量者除
蓋障菩薩白佛言世尊如來不從阿僧祇劫

木六

十三

積集功德耶佛言不爾何以故善男子菩薩
不能思議如來境界如來境界不可思量但
爲凌近衆生說三阿僧祇修習所得菩薩而
實發心以來不可計數除蓋障菩薩白佛言
世尊若衆生久修善根植諸業行除去蓋障
多有信解近於阿耨多羅三藐三菩提得聞

如來無量威德聞是法已歡喜信樂況復受
持讀誦書寫供養爲人廣說如是之人不久
亦當得大威德堪任法器佛言如汝所說如
是如是如此衆生爲佛所護久種善根親近
諸佛聞佛有大威德善男子善女人而於其
中不生疑惑善男子善女人心不錯亂不錯

亂故思惟如來有大威德深心殷重信樂之
心七日七夜著鮮淨衣恭敬供養專念如來
大功德寶心不移易必得見佛若不滿七日
乃至一日一夜命終之時亦得見佛除蓋障
菩薩白佛言世尊頗有衆生於如來所說不
信受者佛即答言善男子有或有衆生聞佛
所說不肯信受深生惱害於說法者生惡知
識想以是因緣身壞命終墮於地獄善男子
若聞如來有大威德生世尊想生大師想如
此之人已於前世得聞如來無量功德以是
因緣今復續聞即自思惟我等先身必曾從
佛聞如此法爾時如來即出廣長舌相自覆

木六

十三

其面其舌廣長踰於髮際乃至覆頭覆頭已
復覆其身覆身已覆師子座又覆菩薩聲聞
緣覺護世四天王梵天帝釋遍覆一切無量
大眾佛還攝舌相告諸大眾善男子等如是
舌相無虛妄耶善男子若信是事長夜安隱
得諸利樂說是語時八萬四千衆生得無生

法忍無量衆生遠塵離垢得法眼淨無量衆生未發菩提心者皆發阿耨多羅三藐三菩提心

佛復告除蓋障菩薩善男子菩薩復有十法名滿世間善何等爲十雖說於色而於實諦不見有相亦不著色相受想行識亦復如是

雖說於地而於實諦不見有相亦不著地相水火風空識亦復如是雖說於眼而於實諦不見有相亦不著眼相雖說耳鼻舌身意法而於實諦不見有相亦不著意法等相雖說有我而於實諦不見有相亦不著我相衆生壽者命者丈夫人而於實諦不見有相亦不取著但世諦假施設有第一義諦則不可得亦不取著世諦假施設有第一義諦無有體相亦不取著世流布中而有佛法差別若於實諦亦無佛法善惡之相但世諦中而有菩提第一義諦則無菩提亦無取著善男子假施設法名爲世諦終不說世諦爲第一義諦

善男子菩薩摩訶薩善於世諦不名爲善於第一義諦善男子具此十事是名菩薩滿世間善

法無調戲法是寂滅法是賢聖法何以故善男子第一義諦不生不滅非壞非所作亦非無作非文字亦非調戲所得善男子第一義諦非言語道法相寂滅賢聖之所證覺善男子第一義諦非壞敗相諸佛出世及不出世法相當爾以是因緣故菩薩剃除鬚髮信家

非家出家學道正信出家身服袈裟著壞色衣精勤修道如救頭然捨諸虛妄志求實法善男子若無實法則虛出家諸佛如來亦虛出世以是因緣有真實法善男子具此十事是名菩薩善解第一義諦

善男子菩薩復有十法名爲善知十二因緣

何等爲十善知體相空善知刹那法善知不堅法善知如影如水中月如呼聲響善知法

如幻善知法如電善知法如焰如因緣生法此悉是空一剎那頃不堅法如是乃至因緣生法此法生亦見生住亦見住異亦見異壞亦見壞菩薩如是思惟以何因緣生以何因

緣滅菩薩復更思惟因無明故能生諸法無明力故諸法得出一切諸法無明爲導一切諸法依止無明依無明故能生於行依行故生識識因緣生名色名色因緣生六入六出因緣生觸觸因緣生受受因緣故凡愚衆生於受少分便起染愛愛因緣生取取因緣生

有有因緣生生生因緣有老死丈夫人老死死因緣憂悲苦惱衆苦聚集以是因緣生大苦陰以深智慧慇懃方便當斷無明拔無明根滅於無明無明相應法一切盡滅譬如意根盡時諸根都盡無明盡時依無明法一切悉盡無明滅故諸煩惱滅煩惱滅故生死因

皆滅生死滅故近於涅槃善男子具此十事是名菩薩善知十二因緣

善男子菩薩復有十法名善知我何等爲十善菩薩作如是觀察我生誰家爲是婆羅門家爲是刹利家爲是長者家爲是下賤家菩薩雖生上族家而無嬌慢想若生下賤處而作

是念我本曾作不善諸業以惡業故今生下賤家以是因緣多修貳惡多修貳惡故欲得出家既出家已作是思惟我爲何事而求出家夫出家法爲自度脫亦度於彼以是因緣不應懈怠而自懶惰作是思惟我今出家當斷不善若有小惡速疾除斷於諸善法深起愛樂歡喜無狀所未斷惡方便令斷如是復更觀察我等出家云何增廣善法善法增已當倍愛樂深心歡喜善法未增當令增廣我今依怙師僧增廣善法以是因緣於和尚所若持戒者破戒若多聞者少聞若聰明者無智悉皆恭敬生世尊想於諸世尊恭敬供養

信樂歡喜於和尚所亦復如是於阿闍梨復生恭敬我依阿闍梨故善法增廣菩提法分未滿足者當令使滿諸結未斷者當令使斷於阿闍梨復生和尚想供養如前愛樂歡喜增長右法損減左法如是左法不令增長復更觀察誰是我世尊一切種智是我世尊能

一切覺能一切說救濟世間憐愍衆生具大悲心是大福田是我世尊天人之師以是因緣以是相貌應生信敬愛樂歡喜又復思惟我得大利遇佛世尊如來制戒我今寧捨身命終不毀犯如來制戒是名善受佛教我今當應從誰受供如我今者當從刹利婆羅門聚落城邑受彼供施令彼果報尊貴富樂我亦不應虛受人供如是刹利婆羅門聚落城邑皆作何想我今思惟有何功德而施飲食刹利婆羅門聚落城邑當念我是沙門作福田想我今應當具滿沙門所行之道比丘功德沙門功德福田淨業宜稱其名我今處生

死中當自拔出我今已得出家善利我今初得無上大利我得出家即是無上大利我今能稱出家之法亦是無上大利我今當勤精進遠離懈怠亦疾速出生死災患善男子菩薩出家常應執念如是思惟善男子具此十事是名菩薩善知於我

善男子菩薩復有十法名善知出法何等爲十於自高人起卑賤想於憍慢人起恭敬想於詭曲人起貞直想於妄語人起真實想於增惡人起愛樂想於剛強人起柔軟想於不忍人起忍辱想於瞋忿人起慈心想於苦惱人起悲心想於多貪人起施與想善男子具此十事是名菩薩善知出法

善男子菩薩復有十法名能生淨佛國土何等爲十持戒清淨無闥戒無嫌戒於一切衆生心常平等同其事業具諸功德遠離名聞讚歎利養不染八法深信下疑勤修精進無有懈怠攝心禪定無諸錯亂善修多聞遠離

影印宋元版

無智利根聰慧滅除癡闇於瞋惱衆生恒修慈心除蓋障菩薩白佛言世尊若十事不具

具足無闕當知十事悉皆清淨以是義故名
具足事得生淨土善男子具此十事是名苦
薩能生淨佛國土

積於五欲所常生畏怖恒念厭離修習善法
善男子具此十事是名菩薩捨家出家

寶雲經卷第六

木六

善男子菩薩復有十法名胎不染汙何等爲
十作諸形像如來塔寺若有毀壞嚴飾修治
復以諸香泥塗於佛塔如來形像常以香水
洗浴於如來塔塗掃清淨又於父母所躬自
供養於和尚阿闍梨同梵行者心常恭敬供
養不爲財利以此善根迴與一切衆生願令

皆得胎不染汙心常殷重如是思惟善男子
具七十事是爲菩薩胎不杂于

善男子菩薩復有十法名捨家出家何等爲
十無所受用於可染處終不親近背於五欲
除諸愛渴於如來所制禁戒終不毀犯少欲
知足衣服飲食牀敷卧具趣得支命終不貪

寶雲經卷第七

木七

善男子苦薩復有十法名爲正命何等爲十
心不詭曲不外現相貌而求利養不作抑揚
顯已異衆不外蔽五欲而心求利養不取非
法財不取不清淨財不著利養不染利養而